

فيديو # ٩٠٤ من مقاطع حظر التجول تدبر سورة النور # ٢ الآية

٢

فاضل سليمان

السلام عليكم ورحمة الله وبركاته. اهلا بحضراتكم في ايه المقطع رقم ربعمية وتسعة من مقاطع حظر التجول والحلقة الثانية من حلقات تدبر سورة النور ارجو من حضراتكم تيجوا المصاحف وتفتحوا معي على سورة النور - 00:00:02

امبارح تدبرنا اول اية فقط في سورة النور. اما نشوف النهاردة هنتدبر قد ايه نقرأها مع بعض كده اعوذ بالله السميع العليم من الشيطان الرجيم. بسم الله الرحمن الرحيم سورة انزلناها وفرضناها وانزلنا فيها ايات بينات لعلكم تذكرون. قل له ان - 00:00:30

عمل مقدمة للصورة يتكلم عن اهميتها وعن انها مفروضة على الناس وانه انزل فيها ايات بينات يعني واضحات علشان الناس تتذكر ان ربنا اعطاهم ما يحتاجون من تشریعات. ومن تعاليم ومن ادب ومن اخلاق - 00:00:53

تجعل مجتمعاتهم اكثر امانا وتجعل حياتهم اكثر استقرارا اول هذه التشریعات بقى في الاية اتنين هنبدأ بقى تدبر الليلة من الاية اتنين. اقرأ معي الزانية والزاني فاجلدوا كل واحد منهما مائة جلد. ولا تأخذكم بهما رأفة في دين الله ان كنت - 00:01:15

انتم تؤمنون بالله ان كنتم تؤمنون بالله واليوم الآخر وليشهد عذابهما طائفه من المؤمنين صدمة ليه اول حاجة الصورة تتكلم عنها هي الزنا يعني مع ان الصورة فيها كلام كتير عن تشریعات كتير واداب واخلاق - 00:01:41

وبالاول حاجة تتكلم عنها تبقى جريمة الزنا يعني ليه الصدمة دي اكيد في حكمة من ذلك والله اعلم انا شايف ان الحكمة هو التأكيد على شناعة هذه الجريمة المجتمع المسلم مجتمع نظيف - 00:02:05

الزنا جريمة قرحة ولو تفشلت في المجتمع المجتمع بيفسد تماما لا يجب التساهل مع هذه الجريمة ابدا زي ما الدول اخذت فيروس كورونا بجدية ووضعت اجراءات ممكن تصل الى الحد من حرية الناس في التنقل - 00:02:26

او في الزيارات او في تغطية الوجه مسلا واشياء كثيرة. عشان تحد من انتشار الفيروس المعدى. يجب اخذ الزنا بجدية ايضا لانه معدى ينتشر يتشدد زي الفيروس حتى لو وصل الامر لوضع اجراءات تحد من بعض الحرفيات في سبيل عدم انتشار فيروس الزنا - 00:02:47

الشرع وضع حد بالنسبة مسلا للجتماعات ولا يستطيع الرجل انه يختلي بامرأة دي اسمها الخلوة المحرمة. راجل وست ما ينفعش الباب يتوقف عليهم. انتهى الامر ده مش متجوزين ما دام مش محارم مش مش قريبها مش مش اخوها مش - 00:03:14

وشربناها ما يتوقف عليهم باب رجل وعدة نساء ممكن عدة نساء ورجل ممكن لكن رجل وامرأة ما يتوقف عليهم باب آآ وفي حاجة اسمها المحرم لنفسه. والمحرم لغيره في الفقه - 00:03:32

الخلوة محرمة لكنها محرمة لغيرها محرمة لانها قد تؤدي للوقوع في الذنب وقد لا تؤدي لكن طالما انها تؤدي فاصبحت محرمة لغيرها التعامل مع الامر ده يجب انه يبدأ بالتربيبة - 00:03:57

وهي منزومة كاملة على فكرة هي المسألة ما بتتحلش بتطبيق عقوبة على الزنا. لأن هي منزومة كاملة انا باسمها منزومة التربية الجنسية المجتمعية المجتمع كله في باكيدج من الاحكام بتشمل اشياء كثيرة جدا بتربى المجتمع من الناحية دي. اول اول حاجة فيهems تيسير الزواج - 00:04:16

من استطاع منكم الباءة فليتزوج يجب يكون هناك مشروع قومي لمساعدة الراغبين في الزواج وازالة العوائق اللي بتعمل من الزواج

واللي يترفع من سن الزواج اتنين الالتزام بالذي الشرعي ما تحطش النار جنب البنزين وبعدين تقول هي ولعت ليه؟ ولعت ليه؟ ما انت حاطط نار جنب البنزين. فالالتزام بالذي الشرعي - 00:04:45

الذى لا يثير الغرائز. ثلاثة من الفن المثير للغرائز ده لو اسمه ده لو هو فن فعلا من اسباب ارتفاع يا جماعة سن الزواج هو ان ذوق الشباب تغير نتيجة مشاهدة الفيديو كليب والرقصات واللى مش عارف ايه والكلام ده كله - 00:05:10

يبقى شاب النهاردة متدين جدا لكن مش عاوز يتتجاوز حاجة اقل من كده في المستوى بتاع الجمال. مم. يعني هو بي Shawf هو بس عايزه بنت متدينة بس بالمستوى ده. طب احنا هنجيب لك المستوى ده منين وبعدين - 00:05:29

لازم نفس مستوى الجمال ده اصلا صناعي يعني كل واحدة من الرقصات اللي طالعة قدامك دي عاملة عاملة عشرين عملية نفحة هنا ونفحة هنا لو قعدت على كرسي فيه مسمار هتفرقع - 00:05:42

فاصبح مش بس متوسطة الجمال عندها مشكلة في الزواج لأ حتى الجميلة جمال عادي عندها مشكلة في الزواج هي كمان دلوقتي عشان تغير الاذواق والمبالغة في مسائل معينة كل ده لو يمنع بيحصل تربية مجتمعية اسمها التربية الجنسية المجتمعية. ايضا دي بتشمل ادب الاتصال - 00:05:58

اداب التعامل بين الرجال والنساء ودي عندنا فيها محاضرة مهمة جدا. ان شاء الله هفتكر بس هحطها لكم في البوست بتاع الفيسبوك واحطها لكم في صندوق الشرح تحت اليوتيوب. اسمها ادب التعامل بين الرجال والنساء - 00:06:21

آآ خمسة غض البصر خاصة لما يكون الجو المحيط بالشاب بيساعد على غض البصر مش المغريات حواليه في كل حته غض البصر ايضا من الاشياء اللي مطلوبة للتربية ديا. والحاجة سعادتك تطبيق ايضا عقوبة - 00:06:38

العقوبة الشرعية لما الكلام ده يطبق يبقى ما فيش بقى عذر لحد انه يقع في الزنا والابد من وضع عقوبة شديدة رادعة. عشان قبل ما الانسان يفكر في الخطيئة ياء ياء ياء انه يقدم عليها يفكرا ميت مرة. الف مرة كمان - 00:07:00

اقرا بقى معي الاية اتنين الزانية والزاني. فاجلدوا كل واحد منهما مائة جلد. ليه بدأ بالزانة مع انه في حد السرقة في سورة المائدة قال والسارق والسارقة فاقطعوا ايديهما جزاء بما كسبا نكالا من الله - 00:07:25

لكن الاية اتنين في سورة النور بدأت بذكر المرأة الاول. الزانية قبل الزانية لأن المرأة اذا صلت في الموضوع ده اذا صلت صلح المجتمع كله. واذا فسدت فسد المجتمع كله. عشان تبقو عارفين الرجل ضعيف في السيطرة - 00:07:45

على شهواته. المرأة اقوى بكثير. وده كلام مثبت طبيا. وانا امبراح حبيت اتأكد منه طبيا دخلت على ويب ميد. ويب ميد اكبر موقع آآ طبي آآ أمريكي موقع انترنت طبي أمريكي - 00:08:02

لقيت ان فعلا مثبت ان المرأة اقوى اربع مرات من الرجل في السيطرة على هذه الشهوة بالتحديد في شهوات تانية مسلا شهوة التملك الشرائي الكلام ده ده دي مسألتك. لكن في شهوة الفرج شهوة الزنا. شهوة - 00:08:21

ممارسة العلاقة الحميمة او الجنسية المرأة اقوى اربع اضعاف من الرجل آآ اللي عايز يدخل يقول اسم البحث نقطتين طيب. وبالتالي المرأة اسهل انها تسيطر على نفسها. وبالتالي لو سيطرت على نفسها سيطرت على المجتمع كله. المجتمع - 00:08:40

كله هيئنض اقرأ الاية اتنين تاني الزانية والزاني فاجلدوا كل واحد منهما مائة جلد دي اسمها عقوبة حدية يعني ايه عقوبة حدية العقوبات في في الشريعة الاسلامية تلات انواع حدود - 00:09:09

تعزير وفيه احيانا بيخش القصاص تحت الحدود بيبقى حدود وتعزير القصاص هو احداث تلف للجاني زي ما هو احدث بالضبط في المائدة وكتبنا عليهم فيها علىبني اسرائيل فيها في التوراة - 00:09:30

ان النفس بالنفس والعين بالعين. يعني واحد فقلبك عين يتتفق له عين. ده اسمه القصاص واحد قطع لك ودن ينقطع له ودن. واحد قطع له والانف والاذن بالاذن. والسن بالسن. والجروح قصاص. ده اسمه قصاص - 00:09:48

يبقى النفس بنفس. يعني من قتل اللي اخرب له عين يتخرق اللي خرب له عين ده القصاص. التعزير هو حكم في جريمة لم ينص عليها الشرع الحكم بتاعها مسلا واحد - 00:10:04

آآ زور ورقة تزوير دي جريمة كبيرة لكن الشرع لم ينص على عقوبتها ايه بيترك عقوبتها للقاضي او للمجتمع يسن قوانين ده قانون وضعى لكنه الاسلام ترك الامر ده الناس تحده هي - 00:10:26

طيب بيقى قلنا ده التعزير الحد اي جرائم معينة زي القتل وقذف المحسنات والزناء العقوبة بتاعتتها منصوص عليها بالقرآن او بالسنة لا يجوز لاحد انه يتنازل عن العقوبة بتاعتتها او يخففها - 00:10:52

انها حق لله وليس حق لاحد اخر ولا حتى للنبي محمد صلى الله عليه وسلم الحق في ان يتنازل عن حد من حدود الله عن عائشة رضي الله عنها ان قريشا اهمهم شأن المرأة المخزومية التي سرقت. كان في واحدة اسمها فاطمة بنت الاسود المخزومية - 00:11:22

قطعة قطيفة وذهب حلي واتمسكت فقالوا من يكلم فيها رسول الله؟ ده بعد الفتح بقى قريش ايه قالوا مين بقى يتتكلم؟ مين يجترب عليه؟ مين يقدر يكلمه ويجرؤ انه يكلمه الا اسامه ابن زيد. حب رسول الله - 00:11:46

الولد اللي بيحبه النبي عليه الصلاة والسلام اسامه تكلمه اسامه قال رسول الله صلى الله عليه وسلم هو كان بيشفع للستر. يا رسول الله عشان خاطري لو بتحبني سبها قال النبي اتشفع في حد من حدود الله - 00:12:08

وراح واقف ثم قام واختطب يعني طلب ان هو هيقول خطبة بكل يسمع. ثم قال انما اهلك الذين قبلكم انهم كانوا اذا سرق فيهم الشريف تركوك واذا سرق فيهم الضعيف اقاموا عليه الحد وابيم الله لو ان فاطمة بنت محمد مش بنت الاسود المخزومية - 00:12:28

او فاطمة بنت محمد سيدة نساء العالمين سرقت لقطعت يدها التعزير عقوبة بيقدرها القاضي زي ما قلنا وبتبقي في جرائم مش منصوص على عقوبتها في القرآن ولا في السنة مخالفات بقى بناء مخالفات مرور. تزوير آآ وعقوباتها ممكن توصل للاعدام على فكرة. ممكن توصل للقتل. لكن ده اسمها التعزيرية - 00:12:52

يعني ممكن تخفيض العقوبة؟ ممكن التغاضي عنها حسب المصلحة. انما الحد ما فيش حد يقدر يايده؟ يقرب منه الحدود جرائم الحدود كلها بتبقى في منطقة انتهاء الامن امن الاخرين او امن المجتمع قذف المحسنات مسلا - 00:13:21

حصل انتهاء يعني واحدة آآ ماشية في الشارع اشتتمت. شتيمة قزرة جدا اذا انتهك امنها. يعني حقها في ان يكون ان كرامتها لا تهان انتهكت. انتهاء هذا الامن يجعل العقوبة حدية - 00:13:41

السرقة انتهاء لامن الانسان لذلك لو واحد ساب العجلة بتاعتته في الشارع. واحد جه خدها وراح راكبها وماشي بها ما ما يقطعش ايده. ليه لان العجلة مش متحرزة. كان لازم يحط لها لوك. لو حد جه بقى وكسر اللوك ده انتهاء امن الانسان - 00:13:59

انتهك الحرز يعني الانسان مش امن انه يسيب حاجته وما تتسرقش بالرغم ان هو واحد احتياطاته السكر انتهاء لامن المجتمع لان الانسان بيسكر ممكن يعمل بلاغ يقتل لحد بالخطأ واحد من حق الانسان انه يعبر الشارع في امان - 00:14:18

دي فلسفة الحدود انها في حالة انتهاء امن المجتمع او افراد المجتمع بيبقى فيه عقوبة حدية وبتبقي قوية وبتبقي رادعة بتبقى شديدة. عايز تقول قاسية قاسية جدا كمان. ايه رأيك لكنها عادلة - 00:14:41

ليه عادلة؟ لان منصوص عليها في القانون من الاول وانت عايش في البلد وعارف ان ده قانون البلد ما تخلفش القانون احنا بقى في الاية اتنين امام اية بتفرض حد من حدود الله. اقرا معى الاية اتنين - 00:14:55

ويما جماعة لما اقول اقرا معى لو سمحت عينيك في المصحف مش هيجرى حاجة ما تقعدش تنفرج علي الزانية والزاني. فاجلدوا كل واحد منها مائة جلد. ده الحكم طريقة تنفيذه ايه بقى؟ كمل الاية. ولا تأخذكم بهما رأفة في دين الله ان كنتم تؤمنون بالله واليوم الآخر - 00:15:11

وليشهد عذابهما طائفه من المؤمنين. دي طريقة تنفيذ الحكم نيجي بقى للتدارب التحاليل تعال نحلل بقى الكلام ده ميت جلد ايه هو الجلد الجلد هو الضرب على الجلد اسمه جلد - 00:15:34

يعني لازم ان الضربة ما توصلش انها تقطع الجلد وتوصل للحم لازم ان الضربة ما تكسر عضم لو الضربة بتكسر عضم او بتوصل

للحم ده ما اسموش جلد عارف لما تقول بالعامية - [00:15:54](#)

هلوسوعك اللسوعة دي جلد لانها لسوعة على الجلد كلمة جلد يعني لسوعة بس عشان الناس ايه اللي فاهمين عامية مصرية دي بقى ده باللزبظ معنى كلمة الجلد. اللسوعة خلي بالك في الزمان كان الرومان بيعلوبيه وبيضرره باصوات يعني كرابيچ - [00:16:11](#)

لها الات حادة في اخرها زي سمانير خطاطيف كرات آآآ من من الحديد آآآ بيتجي في الجلد بتقطع فيه اسمها بالانجليزي صورة الفلاجرام موجودة في كتابي اقباط مسلمون قبل محمد - [00:16:35](#)

هتقول لي بيتباع فين يقول لك خلاص ما يقاش يتبع لكنه موجود مجانا على الويكسيت بتاع بريدجيذ داش فاونديشن دوت اورج هتخشن عليه وتخش على بوكس في البوكس هتللاقي آآآ اقباط مسلمون قبل محمد محظوظ مجانا. لانك تعمل له داونلود - [00:16:56](#)

وفي الصفحة ثلاثة وثمانين اهو الفلاجرام اهو الفلاجرام اهو بيبقى صوت او كرباج وفي اخر الكرباج فيه آآ خطاطيف او كرات من من حديد بتسبب تقطيع في جلد الانسان سكيرجينج يعني نوع من من التعزيب اسمه سكيرجنج - [00:17:16](#)

آآ اللي شاف فيكم فيلم راس الكرو اللي هو آآ اللي هو الام المسيح هيشفو الممسل اللي بيقوم بدور المسيح وهو بيضرب بالفلاجرام ولحمه بيتفقط طبعا هو طبعا ان هو المسيح في الفيلم المسيح في الاسلام الاسلام صلح الغلطنة دية وقال ان ده شخص - [00:17:42](#)
آخر ما كانش المسيح اللي اتمسك واتعزز واتصلب ما كانش المسيحي لكن المهم هو ده اللي ايه الكرباج ده العقوبة بتتم بايه بقى في الشريعة الاسلامية؟ بالصوت بصوت متوسط. لا هو كرباج سوداني - [00:18:02](#)

ولا هو اللي هو بتاع الهجانة بتوع زمان دول اللي بنشوفهم في الافلام القديمة اللي ايام الملك فاروق وبتابع ولا هو عصاية صغيرة الخزانة اللي كنا بنتلسوغ بها في المدرسة - [00:18:18](#)

دي تعتبر صوت عشان تبقوا عارفين دي موافقة مواصفات الصوت اللي بتؤدي به العقوبة دي الخزانة ويكون استعمل في الصوت ده يكون استعمل في الركوب بتاع الدابة عشان ما يقاش جديد لانجح - [00:18:34](#)

اسوع جامد اوبي ولا هو بيبقى في نفس الوقت متھالك ومقطوع والجلاد ما يرفعش ايده للاخر يعني آآ ما يبانش بياض باطه. ما يرفعش ايده كده. عشان البياض ما يبانش. ليه؟ ده معناه ان هو - [00:18:56](#)

لو رفع قوي بيقى الضربة ه تكون بعزم شديد جدا. لأ مش مطلوب ان الضربة تكون بعزم شديد ولا هي خفيفة تجعل الحد ده مضحك والناس بتترقى عليه وبتسخف به ولا هي تكون قوية الضربة بعشر ضربات. لأ حرام عليك. انت يا راجل هيتضرب ميت ضربة لسه. فيبقي مجرد كده هو كدهو كدهو - [00:19:10](#)

كده هو ما بيرفعش اوبي ما بياخدش عزم. دي دي شف الفقه الاسلامي شرح كل التفاصيل دية كمل الاية بقى طريقة تنفيذ الحد بقى ولا تأخذكم بهما رأفة في دين. شف وانا عمال اتكلم واقول يرفع ايده وما يرفعش ايده والكلام ده كله. في ناس كانت عاملة ازاي. لا اه ايه ده! احنا قلبنا حنين قوي. احنا قلبنا - [00:19:31](#)

على المجرمين قلبنا رقيق اوبي ولا تأخذكم بهما رأفة في دين الله. ان كنتم تؤمنون بالله واليوم الآخر وليشهد عذابهما طائفه من المؤمنين. عذابي يا جماعة ارتفعت عندنا كلمة العذاب بالكهرباء والكلام ده. لأ يعني كلمة عذاب يعني عقوبة - [00:19:52](#)

احنا ازن عندنا مترجمين في ترجمة مؤسسة جسور. آآ كلمة عبادة بتترجمها حتى انت لما تروح لبنان يقول لك معشش عزبك مع عزبك مش يعني عزبك قعدت اكهربك. لأ. عزبك يعني تعربتك. عاقبتكم معني يعني. ما لكش زنب يعني - [00:20:13](#)
طب بقى سؤال بقى ليه ربنا ما قالش ولا تأخذكم بهما رحمة في دين الله ليه قال ولا تأخذكم بهما رأفة ما قالش رحمة لأن الرحمة في تطبيق الحد اصلا - [00:20:29](#)

ده تطبيق الحاد هو الرحمة رحمة بالمجتمع اللي هيعرف ان العقوبة ان عقوبة هذه الجريمة كبيرة جدا فهيردع من تسول له نفسه انه يعملاها ورحمة على فكرة بالمجلود نفسه. لأن على فكرة عقوبة الزنا لا تطبق الا بالاعتراف - [00:20:45](#)

وهننحوف ده بعدين لسه لانه الشرط الثاني انه اربعة شهود نزولهم ستة على ستة يشوفوا عملية الزنا بوضوح ما يكونش الزنا
متغطية فيها ده مش ممكن يحصل ده لو في الشارع مش هيحصل - 00:21:05

فدياما كانت عقوبة الزنا بتطبق بالاعتراف تاريخيا بتطبق بالاعتراف المعترف بيعرف له حاجة زي كده لانه ي يريد ان يتظاهر من
الذنب. اذا تطبق الحد يظهر من الذنب. ربنا لا يعاقب على هذه الجريمة مرة اخرى يوم القيمة. ازا الرحمة - 00:21:22

في تطبيق الحد الحوادس قليلة اللي تم تطبيق فيها حد الزنا ايام الرسول عليه الصلاة والسلام آآ في السيرة النبوية وكانوا كلها
بالاعتراف منهم واحد اسمه ماعز جه وقال للنبي صلى الله عليه وسلم ان هو وقع في الزنا - 00:21:42

النبي قد يقول له طب يمكن انت بس قبلت يعني يمكن آآ مش عارف آآ فاخذت يعني شوية يمكن اكون عملت حاجة تانية لعلك
قبلت لعلك فخزت. فالراجل يقول له لأن - 00:22:01

انا عارف انا عملت ايه انا انا وقعت في الزنا ليه النبي عليه الصلاة والسلام كان بيقول له لعلك عملت كده عشان لو الراجل قال اه
والله يمكن بس يعني عملت حاجة تانية يعني لو قال كده - 00:22:14

ما يطبقش عليه الحد ليه ؟ لأن هناك قاعدة في الشريعة اسمها الحدود تدرأ بالشبهات. يعني ايه ؟ الشبهة يعني اقل شك لابد
ان يفسر لصالح المتهم وتسقط العقوبة دي. او تتغير الى عقوبة تعزيرية - 00:22:33

لكن ما يبقاش حكومة حدية لازم اي شك يفصل لصالح المتهم لكن الراجل مصر ماعز مصر لأن انا عارف انا عملت ايه ويريد ان يتظاهر.
عايز على فكرة ده كان عقوبته الرجم. لأن هو كان متزوج - 00:22:53

عايز ينطهر عايز بعدم النبي ليه ما قالهالوش صراحة؟ لو قلت ان انت مش متأكد مش هطبق عليك الحد النبي رؤوف هو النبي
بصفته النبي هو رؤوف رحيم بيلهمه انه يمشي - 00:23:07

ويتوب بينه وبين ربنا ما هو مش لازم لو حد وقع في الزنا يروح يبلغ عن نفسه عشان يتظاهر. هو ممكن انسان يتوب من هذا بينه
وبين ربنا وربنا غفور رحيم - 00:23:33

النبي بيحاول يلهمه الفكرة دي. بس مش قادر يقولها له. ليه مش قادر يقولها له؟ لأن النبي صلى الله عليه وسلم لابس قبعة اخرى مش
قبعة النبي بس لأن ده لابس قبعة رئيس السلطة التنفيذية. ده هو الحكومة. والحكومة اذا جا لها بلاغ بوقوع جريمة يجب - 00:23:46

انها تنفذ القانون النبي هنا النبي رحيم رؤوف بالراجل وعايزه لكن في نفس الوقت ما يقدرش يقول له يعمل كده هو لازم ينفذ القانون
وراجل مصر ان القانون يتنفذ عليه - 00:24:08

النبي صلى الله عليه وسلم قال له انت مجنون الراجل قال له لأن انا مش مجنون انا اعلم انا عملت ايه يعني الحديث طويل وفي كلام
وفيه الفاظ وفيه حاجات يعني احنا بنتكلم فيها بعدين لكن - 00:24:22

اقيم عليه الحد. والحد كان الاعدام رجما بالحجارة لانه كان محسن ومتزوج وقلنا هنا بقى جريمة الاعدام دي مش جريمة على الزنا
الجريمة على الخيانة الزوجية لأن الخيانة الزوجية بتقتل - 00:24:34

تقتل الطرف اللي اتخان. الزوج او الزوجة اللي اتخانقوا بيقتلوا نفسيا من جوة وما بيقدرش يرجع تاني. ما بيرجعش تاني عادي. لذلك
انا انصح في حالة وقوع الخيانة الزوجية والنهارده ما فيش حدود بتتطبق يعني - 00:24:55

للأسف انه يحصل انفصال ممكن بعد كده بعد فترة يرجعوا لكن عن تجربة مع حالات كتير جدا الواحد شافها لازم ينفصلوا لأن لما بيتم
التغاضي عن الموضوع دوا ما بتبقى الحياة مكهرية باستمرار ومشاكل باستمرار - 00:25:12

يعني طيب بعض الناس بقى ممكن يصعب عليه الجاني ان هو هيتجلد واحنا بطبعتنا ناس طيبين وما بنحبش حد يتآلم في الاية.
وضعت شرط الایمان هو تطبيق الشرع. تطبيق لحد ولا تأخذكم بهما رأفة في دين الله ان كنتم تؤمنون بالله واليوم الآخر. ما تقوليش
ده اصله ابن الباشا وده ابن فلان رجل الاعمال - 00:25:34

كبير لا لا اصبر بقى لسه كامل بقية الاية. وليشهد عذابهما طائفه من المؤمنين. ليه عشان يبقى تنفيذ الحكم تحت رقابة الشعب. فيه
رقابة شعبية على الحكومة. انها بتساوي بين الناس - 00:25:57

لا تفرق في تنفيذ الأحكام ليه ؟ لأن الزلم والتفرقة بين الناس يدمر المجتمع شوف بقية الحديث اللي كنا بنتكلم فيه قام فاختطب الرسول عليه الصلاة والسلام قال خطبة. قال يا ايها الناس قال ايها الناس - 00:26:16

انما اهلك الذين من الذين قبلكم انهم كانوا اذا سرق فيهم الشريف تركوه اذا سرق فيهم الضعيف اقاموا عليه الحد وايموا الله. لو ان فاطمة بنت محمد سرقت لقطعت يدها - 00:26:36

بعض الناس ترى انه وليشهد عذابهما طائفة من المؤمنين الغرض منه التشهير بالانسان ممكن ولكن الاساس هنا ان يكون في رقابة على تنفيذ الحكم بعض المذاهب اشترطت شهود لا يقل عن اتنانشر شاهد - 00:26:55

القوانين الغربية اخذت بالنظام دوا. وكان فيه فيديو مشهور بيلف الفترة اللي فاتت دية عن اللي هو اللي في المذهب المالكي الاتناشر واحد اللي لا هم بيأخذوا القرار مع القاضي ان كان الا - 00:27:16

الانسان ده آآ مجرم ولا أ ؟ آآ لازم اتنانشر شاهد على الاقل يشاهدو عملية تنفيذ الاعدام. مش لازم يكون في الشارع. مش لازم نعور الناس نفسيا اللي بي Shawfوا الحاجات دي وهم مش جاهزين - 00:27:33

ل لكن لازم فيه حوالي اتنانشر واحد على الاقل يشوفوها. لأن دي جريمة قبيحة جدا ومعدية جدا. فلابد من العبرة لردع النفوس الضعيفة الاتناشر دول يطلعوا ويحكوا كل الناس فيتحكى فيحصل الردع عملية ردع النفوس الضعيفة - 00:27:49

اللي ما بيخوفوش القرآن يخوفوا السلطان السلطة لكن احنا مش عاوزين ننسى ان تطبيق الحدود يأتي بعد التربية الصحابة تربوا في الفترة المكية تلتناشر سنة بدون اي اوامر ولا افعل ولا لا تفعل خالص - 00:28:07

بيجهزوا لتطبيق الشرع وده ده حديث ده راوته فقيهه الامة. امنا عائشة رضي الله عنها قالت انما نزل اول ما نزل من القرآن سورة من المفصل في هذا ذكر الجنة والنار - 00:28:30

حتى اذا ساب الناس الى الاسلام نزل الحلال والحرام ولو نزل اول شيء لا تشربوا الخمر لقالوا لا ندع الخمر ابدا ولو نزل اول ما نزل لا تزنووا لقالوا لا ندع الزنا ابدا - 00:28:47

بنتكلم عن الصحابة انهم مروا بمرحلة تربية وتجهيز لتلقي اوامر الله ولو كانت اوامر الله نزلت قبل التربية ما كانش الصحابة نفزوا اوامر ربنا. هي اللي بتقول كده انا بضرب مسال بقى هنا بالكرة والاناء - 00:29:05

اوامر الله ونواهيه كالكرة التقوى كالاناء. انا الحقيقة اه جبت اهون اه عباره عن فنجال وما لقتش عندي كورة فجابت بيضة. خلاص؟ البيضة مش راضية تدخل في الاناء عشان اهانه صغير - 00:29:21

لو حاولت ادوس البيضة بالعافية ادوس على الكورة بالعافية قد انها ترتد يعني تجري مني تضيع الحل اني اشتغل على الاناء اوسع الاناء اجيب اهانه اكابر عشان تنزل بسهولة اهون. جبنا اهانه تاني اهون - 00:29:42

ماشي الناس دب بسهولة ليه الناس دب بسهولة عشان خاطر الاناء واسع. يبقى الحال انك تشتغل على التقوى. اذا اشتغلت على مش بقول لك ايه يا اخي دي كانت مش ومرة واحدة قامت اتحجبت من غير ما حد يكلمها ايه اللي حصل ولا حاجة هي كانت بتحضر قرآن وكانت بتحضر تدبر وكانت بتحضر مش عارف ايه فحصل - 00:30:01

التفوى كبرت فالاناء وسع فالكرة نزلت بسهولة. اوامر الله ونواهيه نزلت بسهولة. بداخل الاناء. ما تحاولش تدفع الاوامر بالعافية جوة تفوى صغيرة تخيل معي لو شاب راح لامام المسجد النهاردة - 00:30:22

ولا يا سيدنا الشيخ قدام الناس تسمح لي ازني؟ لو سمحت الناس هتعمل فيه ايه في الولد ده ده يضرب بالجزمة في المسجد والشيخ هي عمل فيه ايه ده هيستمها انت بتستهزأ بربنا وبتستهزأ بدين ربنا وبتستهزأ بشرع ربنا وبتستهزأ باوامر ربنا؟ طب ايه رأيك ده حصل للرسول عليه الصلاة والسلام؟ - 00:30:40

تصدق بقى شوف بقى الفرق في تعامل النبي مع الشاب اللي راح قال له ايه الحديث صحيح عن ابي امامه رضي الله عنه قال ان فتى شاب اتى النبي صلى الله عليه وسلم - 00:31:06

فقال يا رسول الله ائن لي بالزنا فاقبل عليه القوم فزجوه. مهم ما يعني انت اتجنت انت عارف انت بتتكلم مين انت يا ابني اتخبط

في عقلك! انت النبي قال ادنه قرب قرب تعال ما تخافش. تعال اقعد جنبي هنا - [00:31:19](#)

ودنا منه قريبا قال فجلس قال النبي صلي الله عليه وسلم اتحبه لامك؟ ترضى بالزنا لامك؟ قال لا والله جعلني الله فداك. يا رسول الله
قال ولا الناس يحبونه لامهاتهم - [00:31:41](#)

قال افتحبه لابنتك؟ قال لا والله يا رسول الله جعلني الله فداءك قال ولا الناس يحبونه لبناهم قال افتحبه لاختك قال لا والله جعلني
الله فداءك. قال ولا الناس يحبونه لاخواتهم. افتحبه لعمتك؟ قال لا والله جعلني الله فداك. الولد - [00:32:05](#)

عمال بيتعزب ايه الكلام بيووجه بيوجعه. قال ولا الناس يحبونه لعماتهم. قال النبي افتحبه لخالتك؟ قال لا والله جعلني الله فداء قال
ولا الناس يحبونه لخالتك؟ هو النبي بيعمل كده ليه - [00:32:28](#)

يعني لو بيتكلم بالمنطق كان كفاية اول سؤال او سؤالين اترضاه لامك اترضاه لاختك؟ وخلاص. لكن لأن النبي بيربيه النبي بينضف
بينضف من جهة هو فتح الجرح وعمال ينضف ده اسمه التأثير العاطفي ايموشنا انفلونزا - [00:32:43](#)

عمال بيخليله يحط نفسه مكان الاخرين تخيل امك! تخيل بنتك! تخيل عمتك! تخيل خالتك آآ يعني يعني انت باستهتارك
هتشعر ناس قد ايه بالم اهلهم يحصل لهم كده او يعملوا يعملوا كده - [00:32:58](#)

قال فوضع النبي يده عليه. النبي حط ايده على صدره وقال اللهم اغفر ذنبه وظهر قلبه وحسن فرجه الم يكن بعد ذلك الفتى يلتفت
الى شيء. ما بقاش يبص اهو ده دعاء حلو قوي نتعلمه عشان غض البصر. اسأل الله ان يغفر ذنوبنا وان يطهر قلوبنا وان يحسن
فروجنا - [00:33:18](#)

نتوقف هنا الليلة اللهم انا نسألك حبك وحب من يحبك وحب كل عمل يقربنا الى حبك اللهم ما رزقتنا ما نحب فاجعله قوة لنا فيما
تحب زويت عنا مما نحب فاجعله فراغا لنا فيما تحب - [00:33:46](#)

اللهم اجعل حبك احب اليها من اهلينا واموالنا ومن الماء البارد على الظلم اللهم حبنا اليك والى ملائكتك وانبائك ورسلك وعبادك
الصالحين واجعلنا من يحبك ويحب ملائكتك وانبائك ورسلك وعبادك الصالحين - [00:34:04](#)

اللهم احبي قلوبنا بحبك واجعلنا لك كما تحب اللهم اجعلنا نحبك بكل قلوبنا ونرضيك بكل اجسادنا. اللهم اجعل حبنا كله لك وسعينا
كله فيما اللهم اجعل القرآن الكريم ربيع قلوبنا ونور صدورنا وجلاء احزانا وذهاب همومنا وغمومنا ومغفرة ذنوبنا - [00:34:25](#)

اسأل الله العلي العظيم ان يجعل هذا التدبر في ميزان حسناتي وحسناتكم جميعا اللهم بحق كل حرف في كتابك تلوناه او تدبرناه
اكفنا واهلينا شر كل من يكيد لنا ولهم. واحفظنا واياهم من شرورهم. و يجعلك اللهم في نحورهم. فانت الوكيل - [00:34:52](#)

حول ولا قوة الا بك اللهم من قضى منا بالوباء المنتشر فاكتبها له شهادة. ومن كان منا او من احبابنا او من اخواننا او من اخواتنا
مرি�ضا به او له فالبسه ثوب الصحة والعافية عاجلا غير اجل - [00:35:15](#)

ومن لم يصب به فقه شره وابعده عنه ولا تسلطه الا على اعدائك واعداء دينك واعداء اوليائك اللهم انك تعلم ان هذه القلوب قد
اجتمعت على كتابك وعلى محبتك. والتلتقت يا ربنا على طاعتك وتوحدت على دعوتك - [00:35:33](#)

وتعاهدت على نصرة شريعتك فوق اللهم رابطتها وادم ودها واهدها سبلها واملأها بنورك الذي لا يخبو واشرح صدورها بفيض الایمان
بك وجميل التوكل عليك. واحيها يا ربنا بمعرفتك وامتها يا مولانا على الشهادة في سبيلك - [00:35:52](#)

كلام المولى ونعم النصير. والسلام عليكم ورحمة الله وبركاته. ونراكم غدا باذن الله في نفس الموعد. ان كنا من اهل الدنيا -
[00:36:12](#)